

嶽巖集

熱河日記寫一

渡江錄

起辛未止乙酉自鴨綠江至遼陽十五日

後三庚子我

聖上四年

清之乾隆四十五年

六月二十四日辛未朝小

雨終日乍灑乍止午後渡鴨綠江行三十里露宿九連城夜大

雨即止初留龍灣

義州名

十日方物盡到行期甚促而一雨成霖

兩江通漲中間快晴亦已四日而水勢益盛木石俱轉濁浪連

空蓋鴨綠江

發源最遠故耳按唐書高麗馬訾水出

靺鞨之白

山色皆鴨綠故號鴨綠江所謂白山者即長白山也山海經稱

不咸山我國稱白頭山為諸江發源之祖西南流者為鴨綠江

皇輿考云天下有三大水黃河長江鴨綠江也兩山黑談

陳寔著

云自淮以止為北條凡水皆宗大河未有以江名者而北之在